



NEWSLETTER BR. 31

MAJ 2017

SADRŽAJ

FIPA AKTIVNOSTI ≡

- » Poslovno vijeće Mađarska-BiH posjetilo FIPA-u
- » FIPA učestvovala na Sarajevo Business Forumu
- » FIPA na Bečkom ekonomskom forumu u Beogradu
- » FIPA predstavila investicione mogućnosti privrednicima Kraljevine Saudijske Arabije
- » FIPA organizirala konferenciju o mogućnostima ulaganja u poljoprivredno-prehrambeni sektor BiH u sklopu Međunarodnog sajma poljoprivrede u Novom Sadu
- » FIPA predvodila 24 bh. kompanije na Macfrut 2017
- » FIPA predstavila mogućnosti ulaganja investitorima iz Ujedinjenih Arapskih Emirata
- » FIPA promovirala prednosti ulaganja u BiH na godišnjoj skupštini EBRD-a
- » FIPA učestvovala na Privrednom forumu BiH – Njemačka

POSLOVNE VIJESTI ≡

- » Kreću investicije u Bosanskom Grahovu



BH. VINA I OVE GODINE PREZENTIRANA NA SAJMU U JAPANU



Dvije vrste vina Manastira Tvrdoš, Vranac 2013 i Žilavka 2015, te jedna vrsta vina Vinograda Nuić, Trnjak 2013, prezentirani su na 91. Međunarodnom sajmu likera, vina i sira koji je održan od 12. do 18. aprila 2017. godine u Tokiju. Više od 900 vrsta vina iz cijelog svijeta se svake godine predstavlja i prodaje na ovom sajmu, kao i u tržišnim centrima DAIMARU, koji su u kategoriji centara Harrods u Londonu.

Predstavnik FIPA-e u Japanu Shigehiko Nishihama predstavljao je bh. vina na spomenutom sajmu, upoznavajući direktno japanske potrošače sa kvalitetom proizvoda.

Japanski potrošači su imali priliku probati i uživati u okusu bh. vina i izrazili su zadovoljstvo njegovom kvalitetom.

Zahvaljujući angažmanu g. Nishihame, 2014. godine, proizvođači vina iz BiH su po prvi put počeli sa izvozom vina na japansko tržište. Japanska firma M & P Corporation iz Tokija odlučila je da uveze devet vrsta vina iz BiH koji se uspješno prodaju na tržištu Japana. Pored tržišnih centara, bh. vina se prodaju putem slijedeće web stranice <http://item.rakuten.co.jp/chichukai/c/0000000358/>

Više od 12 godina, predstavnik FIPA-e g. Nishihama surađuje sa proizvođačima vina u BiH koje je već posjetio i čija vina promovira potrošačima na tržištu Japana. Nastavit će sa promotivnim aktivnostima sa ciljem povećanja izvoza vina, bez obzira na činjenicu da nijedna nadležna institucija BiH nikada nije izdvojila bilo kakva finansijska sredstva za ovu namjenu.

FIPA AKTIVNOSTI ≡



POSLOVNO VIJEĆE MAĐARSKA-BIH POSJETILO FIPA-U



FIPA UČESTVOVALA NA SARAJEVO BUSINESS FORUMU ≡



...I JOŠ FIPA AKTIVNOSTI...



POSLOVNO VIJEĆE MAĐARSKA-BIH POSJETILO FIPA-U



Predstavnici FIPA-e na čelu sa zamjenicom direktora Blaženkom Mišković primili su delegaciju Poslovnog vijeća Mađarska-BiH kako bi razgovarali o mogućnostima unapređenja ekonomske suradnje između dvije zemlje.

Rad ove organizacije je fokusiran na spajanje privrednika, pronalazak i istraživanje novih poslovnih mogućnosti u obje zemlje sa ciljem povećanja investicija i trgovinske razmjene na obostrano zadovoljstvo.

Na sastanku je istaknuto da je Mađarska u BiH do sada investirala 32 miliona eura, te da postoje mogućnosti za rast mađarskih investicija u našoj zemlji. Mađarski privrednici su također istakli da se u Mađarskoj još uvijek malo zna o Bosni i Hercegovini, da postoje predrasude o našoj zemlji, te da je potrebno raditi na medijskoj promociji zemlje kako bi mađarska javnost stekla pravu sliku o BiH.



FIPA UČESTVOVALA NA SARAJEVO BUSINESS FORUMU



Predstavnici FIPA-e na čelu sa sekretarom dr.sc. Maidom Bećirović učestvovali su na Sarajevo Business Forumu sa ciljem promocije i prezentacije BiH kao interesantne destinacije za strana ulaganja.

Sekretar Bećirović je učestvovala i na panelu pod nazivom : centralna/zapadna Azija i jugoistočna Europa : Kako ojačati ekonomsku suradnju. U okviru ovog panela predstavljeni su i razlozi za ulaganje u BiH i region, te su posebno istaknuti razlozi zašto je BiH atraktivna za zemlje centralne i zapadne Azije.

U okviru SBF održano je više bilateralnih sastanaka sa potencijalnim investitorima, uspostavljeni su kontakti sa investitorima iz Saudijske Arabije, UAE, Bahreina, Indije, Indonezije i drugih zemalja.

FIPA je također učestvovala na forumu sa delegacijom iz Indonezija na kojem su predstavljene bh. firme iz sektora vojne industrije, drvnog sektora i poljoprivrede.

Na ovom skupu FIPA je imala i promotivni štand sa ciljem dodatnog predstavljanja mogućnosti za ulaganja u BiH, promotivnih materijala i investicionih projekata.



FIPA NA BEČKOM EKONOMSKOM FORUMU U BEOGRADU



Direktor Agencije za unapređenje stranih investicija u BiH (FIPA) Gordan Milinić učestvovao je 22. maja 2017. godine u Beogradu na Bečkom ekonomskom forumu.

Na panelu pod nazivom "Regionalna suradnja na putu ka EU", direktor Milinić je govorio o investicijskim potencijalima regiona, dosadašnjoj suradnji i prijedlozima za unapređenje buduće suradnje. Istakao je da je samo kroz zajedničku suradnju i intenzivnije promoviranje regije moguće privući značajniju pažnju svjetske poslovne zajednice.

" Države regiona samo kroz suradnju mogu obezbijedito stabilnost i dugoročni prosperitet, te je neophodno da se privredna povezanost zemalja regiona stalno unapređuje uz jačanje konkurentnosti. Koordinirano djelovanje ključno je za dalje unapređenje regionalne suradnje i ekonomskog razvoja, te za intenziviranje procesa europskih integracija, kao ključnog strategijskog opredjeljenja država regiona.

Za intenzivniju regionalnu suradnju vrlo je važan uticaj EU. I pored brojnih izazova s kojima se suočava, EU mora ojačati svoje prisustvo na zapadnom Balkanu kroz jasnu europsku perspektivu i dinamiziranje procesa pristupanja, intenzivirati dalju demokratizaciju i transformaciju država regiona", rekao je Milinić u toku svog izlaganja.

Poslije zvaničnog panela, direktor FIPA- e je održao sastanke sa predstavnicima stranih kompanija koji su željeli saznati više informacija o situaciji u BiH, podsticajima i poreskom sistemu, te atraktivnim sektorima i projektima spremnim za realizaciju. Tokom panela posebna pažnja je bila usmjerena na Milinićevo mišljenje o prerastanju CEFTA-e u regionalnu carinsku uniju.



FIPA PREDSTAVILA INVESTICIONE MOGUĆNOSTI PRIVREDNICIMA KRALJEVINE SAUDIJSKE ARABIJE



U okviru Poslovnog foruma Bosna i Hercegovina - Saudijska Arabija, koji je organiziran 18. maja 2017. godine u suradnji Vanjskotrgovinske komore BiH i Privrednih komora Saudijske Arabije, predstavnici FIPA-e su odžali prezentaciju o poslovnom ambijentu i investicionim mogućnostima u BiH.

Cilj foruma je uspostavljanje suradnje i jačanje trgovinske razmjene između BiH i Kraljevine Saudijske Arabije koja je do sada iznosila oko 25 miliona dolara kao i povećanje dosadašnjeg nivoa investicija.

Privrednu delegaciju Kraljevine Saudijske Arabije činili su privrednici iz različitih sektora privrede (sektor turizma i nekretnina, poljoprivrede, tekstila, medicinske opreme i dr.) koji su pokazali interes za ulaganje u projekte i uspostavljanje suradnje sa bh. kompanijama.

Na forumu su govorili predstavnici Vanjskotrgovinske komore BiH i privredne delegacije Kraljevine Saudijske Arabije, kao i predstavnici kompanije Publicum doo, JP Autoceste FBiH i RS koji su predstavili raspoložive investicione projekte prisutnim privrednicima. Dosadašnja iskustva u poslovanju u BiH prezentirao je i predstavnik Ziraat Bank BH. U narednom periodu se očekuje nastavak suradnje sa privrednicima iz Saudijske Arabije koji su pokazali interes za Bosnu i Hercegovinu i njene investicione mogućnosti.



FIPA ORGANIZIRALA KONFERENCIJU O MOGUĆNOSTIMA ULAGANJA U POLJOPRIVREDNO-PREHRAMBENI SEKTOR BiH U SKLOPU MEĐUNARODNOG SAJMA POLJOPRIVREDE U NOVOM SADU



Agencija za unapređenje stranih investicija u Bosni i Hercegovini (FIPA) i Razvojna agencija Srbije organizirale su 16. maja panel na temu "Privlačenje direktnih stranih investicija u sektor poljoprivrede i proizvodnje hrane u Bosnu i Hercegovinu i Srbiju", u sklopu Međunarodnog poljoprivrednog sajma u Novom Sadu.

Panel je otvorio direktor FIPA-e Gordan Milinić koji je istakao značaj poljoprivrede i proizvodnje hrane za ekonomski razvoj BiH i osnovne informacije o potencijalima za ulaganje u ovaj sektor, kao i uslugama FIPA-e kao Agencije Vijeća ministara BiH.

U toku panela, FIPA predstavnik je održao prezentaciju o osnovnim razlozima za ulaganje u BiH, karakteristikama sektora voća i povrća, stočarstva, mljekarstva, prerade mesa, te predstavio i neke od raspoloživih investicijskih projekata za ulaganje.

Kao primjer uspješne strane investicije u ovaj sektor, prisutnima je svoje iskustvo o poslovanju u BiH iznio i predstavnik kompanije Fress doo Sarajevo, gđin Almir Mukača.



FIPA PREDVODILA 24 BH. KOMPA NIJE NA MACFRUT 2017



Agencija za unapređenje stranih investicija u BiH (FIPA), zajedno sa 36 predstavnika iz 24 bh. kompanije, je učestvovala na međunarodnom poljoprivrednom sajmu Macfrut 2017, koji je održan od 10. do 12.maja. 2017. godine, u Riminiju, Italija.

Predstavnici FIPA-a i bh. kompanija su ostvarili uspješne kontakte sa izlagačima na sajmu, te su za dva dana obavili više od dvije stotine razgovora sa italijanskim kompanijama, koje su pokazale interesovanje za BiH. U narednom periodu se očekuje ostvarivanje konkretne suradnje između kompanija dvije zemlje.

Tokom sastanaka sa italijanskim kompanijama prezentirane su mogućnosti za ulaganje u poljoprivredni sektor BiH. Predstavnici bh. kompanija, koje je FIPA ove godine vodila na Macfrut, su zadovoljni ostvarenim kontaktima i izrazili su zahvalnost na izuzetnoj prilici da posjete vodeći italijanski sajam poljoprivrede.

Pored B2B sastanaka, za učesnike sajma organizirana je prezentacija rada najmodernije poljoprivredne mehanizacije i logističkih rješenja. Ovogodišnjem, 34. Međunarodnom sajmu Macfrut 2017, prisustvovali su izlagači iz 40 zemalja svijeta sa pet kontinenata.



FIPA PREDSTAVILA MOGUĆNOSTI ULAGANJA INVESTITORIMA IZ UJEDINJENIH ARAPSKIH EMIRATA



Poslovni forum Bosna i Hercegovina - Ujedinjeni Arapski Emirati održan je 8. maja u Sarajevu. Tom prilikom, predstavnik FIPA-e Nina Pobrić je održala prezentaciju o pozitivnim aspektima poslovnog ambijenta BiH i atraktivnim sektorima za ulaganje i investicijskim projektima.

Privrednu delegaciju iz UAE su činili predstavnici više od 20 kompanija. Predstavnica FIPA-e je potencijalne investitore upoznala sa atraktivnim projektima za ulaganje iz sektora poljoprivrede i prehrane, nekretnina i turizma (posebno banja i lječilišta).

Organizirani su i B2B sastancima tokom kojih je pruženo više informacija o projektima za koje je pokazan interes. Mnoge firme su prvi put imale priliku da se upoznaju sa svim aspektima biznisa u BiH.

Prezentaciju iskustva u poslovanju stranih investitora u BiH održao je i predstavnik ZERAA Agriculture Investment d.o.o.



FIPA PROMOVIRALA PREDNOSTI ULAGANJA U BIH NA GODIŠNJOJ SKUPŠTINI EBRD-A



Direktor Agencije za unapređenje stranih investicija BiH (FIPA) Gordan Milinić je predstavio angažman Agencije na unapređenju poslovnog ambijenta u BiH i promovirao atraktivne investicijske projekte na panelu „Bosnia and Herzegovina Investment Outlook Session“ u sklopu godišnje skupštine i Poslovnog foruma Europske banke za obnovu i razvoj (EBRD) koji su održani od 9. do 11. maja na Kipru.

U radu skupa je učestvovalo preko dvije hiljade državnika, ministara, guvernera, bankara, privrednika i investitora iz više od 60 država. Jedan od događaja u sklopu foruma je bio i panel „Bosnia and Herzegovina Investment Outlook Session“.

Panelu o BiH je prisustvovao veliki broj privrednika i predstavnika finansijskog svijeta iz više od 60 zemalja svijeta. Potencijalni investitori su tražili dodatne informacije i pojašnjenja od ministra Šarovića i direktora Milinića o političkoj situaciji u zemlji, pravima investitora, poreznom i obrazovnom sistemu i operativnim troškovima.

G. Milinić je predstavio i rad Suradničke mreže za postinvesticionu podršku investitorima i prijedloge FIPA-e za unapređenje poslovnog ambijenta. Također, je govorio i o uslugama koje FIPA pruža potencijalnim i postojećim investitorima, kako bi pobliže predstavio njene aktivnosti i angažman.



FIPA UČESTVOVALA NA PRIVREDNOM FORUMU BIH – NJEMAČKA



Zamjenica direktora FIPA-e, Blaženka Mišković, kao uvodničar u panel diskusiju “Iskustva, mogućnosti i perspektive njemačko-bosansko-hercegovačke privredne suradnje” učestvovala je na BiH - Njemačkom poslovnom forumu „Novi putevi zajedničke suradnje”, održanom u Berlinu 12. maja 2017.

Zamjenica direktora je istakla kako unatoč brojnim izazovima s kojima se BiH suočava, ipak postoje velike mogućnosti za njemačke investitore koji žele širiti svoje poslovne aktivnosti van tržišta EU. Naglasila je kako strani ulagači, nakon što prevaziđu ulazne prepreke, uspješno posluju u BiH i reinvestiraju svoju zaradu, što su kroz kasniju diskusiju potvrdili i predstavnici njemačkih firmi koje već djeluju u BiH.

Svoja iskustva o uvjetima poslovanja u BiH podijelili su predstavnici njemačkih preduzeća GS –Tvornica strojeva Travnik, ProCredit Bank AG Deutschland, Veritas AG, Centar za robotiku u Tuzli, Hemofarm Group.

Prema riječima predstavnika ovih preduzeća, jedan od najvećih izazova s kojima se suočavaju je nedostatak radne snage i odlazak mladih i obrazovanih ljudi iz BiH.

Na forumu kojeg je organiziralo Ministarstvo vanjskih poslova BiH, Ambasada BiH u SR Njemačkoj, a uz podršku njemačkog Ministarstva privrede i energije u Berlinu, prisustvovalo je više od 100 predstavnika privrednog, političkog i javnog života BiH, Njemačke i drugih država.

POSLOVNE VIJESTI ≡



KREĆU INVESTICIJE U BOSANSKOM GRAHOVU



...I JOŠ FIPA POSLOVNIH VIJESTI...



KREĆU INVESTICIJE U BOSANSKOM GRAHOVU

Direktor firme „Progres doo“ iz Novog Sada Aleksandar Radun posjetio je FIPA-u radi investiranja u Općinu Bosansko Grahovo. Investira se u farmu ovaca sa početnim stadom od 1000 grla sorte „Romanov“ sa namjerom daljeg proširenja farme do 7.000, a potom do 20.000 umatičenih ovaca. Investitor će zaposliti 65 radnika.

S obzirom da je riječ o jednom od najnerazvijenijih područja u BiH, dolazak investitora predstavlja veliku šansu i za zapošljavanje lokalnog stanovništva i za razvoj općine i pratećih djelatnosti.

Prema riječima investitora, Bosansko Grahovo posjeduje idealne uvjete za bavljenje održivim stočarstvom. Planirano je također pokretanje pogona za proizvodnju stočne hrane, a investitor je zainteresiran i za investiranje u oblast turizma i solarne i vjetro energije.



MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privatnim sektorima BiH. Pokazatelji koji se odnose na priliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko saraduje i sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identifikira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privatnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



DA BISTE SAZNALI VIŠE O USLUGAMA FIPA-E, KOJE SU BESPLATNE, KONTAKTIRAJTE NAS DIREKTNO.

Grbavička 4
71000 Sarajevo
Tel: +387 22 278 080
Fax: + 387 33 278 081
e-mail : fipa@fipa.gov.ba
www.fipa.gov.ba

Ured FIPA-e Mostar
Kneza Višeslava, Office 54
88000 Mostar
Tel/Fax: +387 36 558 815
E-mail: mostar@fipa.gov.ba

Ured FIPA-e Banja Luka
Jovana Surutke 13/III
78000 Banja Luka
Tel/Fax: + 387 51 226 180
E-mail: banjaluka@fipa.gov.ba

A map of Europe with white outlines of countries on a blue background. The country of Bosnia and Herzegovina is highlighted in the colors of its flag: yellow, blue, and white with stars.

INVEST IN BOSNIA AND HERZEGOVINA YOUR NEW OPPORTUNITY

WWW.FIPA.GOV.BA